

կայացնում էին ուրոականների մի խառն բազմութիւն, որոնք, կարծես, հենց տոր էին դուրս ելել իրանց մթին հանգստարաններից:

Ամէն ինչ լուռ էր, . ամէնուրեք տիրում էր լուսնային գիշերի մոխրագոյն խաւարը: Միայն գերեզմանատան մի հեռու անկիւնում երեւում էր ծիրանեգոյն լոյս: Մնահաւատներից ոչ ոք չէր համարձակոյ մօտենալ այդ լոյսին, որը այնպիսի տպաւորութիւն էր գործում, կարծես թէ դուրս էր ցուլանում մի որեւիցէ նահատակի գերեզմանից: Բայց Ասլանը ուղիղ դիմում էր դէպի այդ լոյսը: Ես տհաճութեամբ գնում էի նրա ետեւից: Բայց իմ տհաճութիւնը իսկոյն փարատոեցաւ, երբ մօտեցամք, եւ բոցերի միջից, որպէս մի երկայն Քերովբէի դէմք, երեւաց Յիւրբի սիրուն դէմքը: Պառաւր, նստած գետնի վրայ, թիկն տոած մի տապանաքարի, գլուխը տխրութեամբ խոնարհեցրած, խորին մտահոգութեան մէջ՝ նայում էր կրակի վրայ: Յիւրբին իր հաւաքած մացաներով բորբոքում էր կրակը: Երբ պառաւր լսեց մեր ոտնաձայնը, գլուխը վեր բարձրացրեց, նայեց իր շուրջը: Իսկ Յիւրբին կանգնեց, եւ նոյն րոպէում լսելի եղաւ նրա սուր, մետաղական ձայնը.

– Մի մօտենա՛ք...

Ասլանը հեռոյց ինչ-որ պատասխանեց:

Յիւրբին առաջ վազեց, ընկաւ նրա գիրկը:

– Ես կրկին ետ բերեցի քո դիւթական գաւազանը, Յիւրբի, – ասաց Ասլանը՝ համբուրելով նրան:

– Ես էլ այդ պայմանով էի տոել քեզ, – ասաց Յիւրբին, մի առանձին ուրախութեամբ նրա ձեռքից առնելով իր աւանդը:

Պառաւր լռութեամբ կանգնեց, վեր առեց իր ճանապարհորդական պարկը, որ դրած էր տապանաքարի վրայ, կապեց մեջքին, վեր առեց իր ցուպը եւ մօտեցաւ Ասլանին:

Նրանք մի կողմ առանձնացած, երկար խօսում էին միմեանց հետ: Այդ միջոցին Յիւրբին մօտեցաւ ինձ: Ես հարցրի.

– Ճանաչո՞ւմ ես ինձ:

– Ճանաչում եմ, ինչպէս չեմ ճանաչում:

– Այս գիշեր այստե՞ղ պիտի մնաք:

– Ոչ, մենք սպասում էինք Ասլանին. հիմա պիտի գնանք:

– Ու՞ր պիտի գնաք:

– Այդ մայրիկը գիտե...